

## 37. aðalfundur Landssambands smábátæigenda

### Tillögur til allsherjarnefndar

#### Efnisyfirlit

<i>Byggðakvóti</i> .....	2
<i>Afladagbók</i> .....	2
<i>Línur og svæðalokanir</i> .....	3
<i>Flotvarpa</i> .....	3
<i>Rannsóknir á lífríkinu</i> .....	4
<i>Drónar</i> .....	5
<i>Lögskráning og mönnunarmál</i> .....	5
<i>Landhelgi / heimamið</i> .....	5
<i>Bryggjuskattur</i> .....	6
<i>Ýmislegt</i> .....	6

## Byggðakvóti

- Farsæll vill leggja af byggðakvóta í núverandi mynd og að nýting hans verði tengd löndun dagróðrabáta (löndunarívilnun).
- Árborg krefst þess að reglum um byggðarkvóta verði breytt á þá leið að þeir bátar sem fái úthlutað byggðakvóta og eru án vinnslu fái að landa byggðakvóta á fiskmarkað í sínu byggðarlagi.
- Snæfell krefst þess að þær veiðiheimildir sem eru í dag í almenna byggðakvóta pottinum verði færðar inn í strandveiðarnar, þar nýtast þær hinum dreifðu byggðum landsins á gegnsæjan hátt.
- Drangey leggur til að byggðakvóta verði einungis úthlutað til dagróðrabáta sem eru minni en 30 brt. Þá verði allt að 10 tonn eyrnamerkt til þeirra útgerða sem átt hafa heimilisfesti í byggðarlaginu a.m.k. þrjú síðastliðin ár.
- Félag smábátaeigenda á Austurlandi leggur til að byggðakvóti verði notaður við fiskveiðar og sem fyrir að byggðakvóta verði úthlutað sem ívilnun við löndun.

## Afladagbók

- Farsæll krefst þess að þeir sem það kjósa geti áfram notað afladagbók. Þá krefst fundurinn þess að notkun afladagbókar-apps verði gjaldfrjálst.
- Snæfell krefst þess að ef smábátasjómenn verða skyldaðir til þess að nota afladagbókar app við skráningu afla þá sé það gjaldfrjálst.
- Skalli: Leggur til að dagróðrabátar verði undanskildir því að skila inn afladagbók til Fiskistofu.
- Félag smábátaeigenda á Austurlandi: Aðalfundur félags smábátaeigenda á austurlandi hafnar því að bátar/sjómenn séu skyldaðir til notkunar rafrænnar aflaskráningar á dagróðrabátum. Telur fundurinn alveg fráleitt að sjómenn þurfi að senda inn í gegnum síma eða tölvur staðsetningu sína við veiðar og áætlaðan afla pr dag. Vill fundurinn benda Fiskistofu á að þessar upplýsingar er hægt að nálgast á mun aðgengilegri hátt, ferla báta er hægt að nálgast langt aftur í tímann hjá nokkrum aðilum og aflatölur eru aðgengilegar hjá Fiskistofu skömmu eftir löndun. En ætli Fiskistofa að halda rafrænni aflaskráningu til streitu beinir fundurinn því til skrifstofu LS að finna sanngjarna þóknun sem bátar/sjómenn geti rukkað Fiskistofu um fyrir að þjónusta. (Snjallsímar, tölvur og vinna).

## Línur og svæðalokanir

- Snæfell krefst þess að línan Selsker í Selsker á Breiðafirði haldist óbreytt eins og hún hefur verið í ára raðir.
- Snæfell mótmælir harðlega öllum hugmyndum um lokun svæða fyrir handfæraveiðum eins og fram koma í skýrslu starfshóps um „faglega“ endurskoðun varðandi notkun veiðarfæra, veiðisvæða og verndunarsvæða á Íslandsmiðum. Aðalfundur Snæfells telur að ekki skuli beita reglugerðarlokunum eða skyndilokunum á handfæraveiðar heldur beita sektum eða veiðileyfis sviptingu á þá aðila sem koma með of smáan fisk að landi.
- Skalli leggur til að veiðar með snurvoð innfjarða og flóa verði óheimilar bátum lengri en 22 metrar. Bannið taki ekki til gamalla báta sem stundað hafa veiðarnar undanfarin ár.
- Drangey skorar á stjórnvöld að endurskoða heimildir til veiða með dragnót upp í fjörur víða um land.
- Skápurinn  
Aðalfundur Félags smábátaeigenda á Austurlandi lýsir ánægju sinni með reglugerðar lokun á hluta „Skápsins“ utan Borgarfjarðar eystri, fyrir togveiðum. Reynslan af lokuninni sýnir svo ekki verður umdeilt að trillur sem róa frá Borgarfirði eystra hafa getað sótt á sín heimamið í haust, hafa ekki þurft að sækja 30-50 sjómílur á haf út út fyrir togskipin. Veiði hefur verið með ágætum á handfæri eftir að svæðinu var lokað, það er gríðarleg breyting frá fyrri árum.  
Umrædd lokun hluta skápsins er gerð með reglugerð til eins árs og gildir 1. júlí 2021 til 31. des 2021 reglugerð nr. 742/2021  
Krefst fundurinn þess að lokunin verði sett í lög og gildi í það minnsta 1 júlí til 31 des á hverju ári.
- Félag smábátaeigenda á Austurlandi: Lokunarsvæði keiluhólf verði aflagt  
Aðalfundur FSA telur engin rök með því að viðhalda reglugerðarhólfi í Lónsdýpi og á Stokksnesgrunni sbr. 8. gr. reglugerð 961/2019. Lokunin var sett á vegna friðunar á keilu sem ekki er lengur á tegundalista skipa og því ekki ástæða til að banna línuveiðar þar lengur.  
Aðalfundur FSA hafnar því að þorsknetaveiðar verði leyfðar á krókaafلامarksbátum

## Flotvarpa

- Krókur: Óheimilt verði að veiða loðnu með flottrolli. Mikilvægt væri að Hafró rannsaki hvaða áhrif veiðar með flottrolli hafi á viðgang grásleppustofnsins.
- Elding krefst þess að flotvörpuveiðar við loðnuveiðar verði tafarlaust bannaðar. Það hefur sýnt sig í aukningu grásleppuafla að þetta veiðarfæri skaðar aðrar fisktegundir.

- Skalli leggur leggur til að veiðar á loðnu í flottroll verði bannaðar.
- Drangey krefst þess að flotvörpuveiðum á Íslandsmiðum verði tafarlaust hætt enda kemur mikið af grásleppuseiðum og öðrum fisktegundum í veiðarfærið sem meðafli.
- Reykjanes: Óheimilt verði að stunda veiðar á loðnu með flotvörpu.
- Tillaqa frá Halldóri Árnasyni Mýrum & Patreksfirði Landssamband smábátæigenda skorar á verðandi sjávarútvegsráðherra að heimila ekki veiðar með flottrolli á komandi loðnuvertíð.

#### Greinargerð:

Allt bendir til að við Íslendingar fáum stóra gjöf, þ.e. myndarlegan loðnukvóta. Við slíkar fréttir er rétt líta um öxl.

Við höfum ekki veitt með flottrolli, í tvö til þrjú ár. Allt bendir til að það hafi haft góð áhrif. Bent skal á stærsta stofn loðnu í áratugi og grásleppu þar sem stofninn hefur tvöfaldast.

Margt bendir til að veiðar með flottrolli hafi komið í veg fyrir að unglöðna hafi náð að lifa auk þess sem grásleppan hafi ekki náð sér á strik.

Það er tilrunarinnar virði að veiða loðnu, eingöngu í nótt og sjá til hvort við náum að verja þessa stofna. Mikið er í húfi fyrir þjóðina að vel takist til, milljarða spursmál.

Tilraunin gæti reynst með þeim stærstu í sögu fiskveiða, við Ísland.

Stórútgærðin sem hefur loðnukvótann, er vel í stakk búin til að nota nótt við veiðarnar. Það er skylda okkar hverju sinni, að nýta fiskimiðin með ábyrgum hætti, þannig að sem mestur arður náist í náinni framtíð. Höfum í huga að við eigum ekki fiskinn í sjónum. Við erum aðeins með nýtingarrétt á honum.

- Tillaqa frá Halldóri Árnasyni Mýrum & Patreksfirði. Landssamband smábátæigenda leggur til að stofnuð verði nefnd, skipuð fiskifræðingum, fiskverkendum og starfandi og fyrrverandi sjómönnum, til ráðgjafar fyrir sjávarútvegs-ráðherra, um nýtingu hafsins.

## Rannsóknir á lífríkinu

- Snæfell skorar á stjórnvöld að auka rannsóknir á lífríki Breiðafjarðar, sérstaklega ef auka eigi nýtingu þara úr firðinum, og hvaða áhrif hún hafi á lífríki Breiðafjarðar og viðgang fiskseiða.
- Aðalfundur Snæfells hafnar öllum hugmyndum Breiðafjarðarnefndar um frekari friðanir á Breiðafirði, þar á meðal stofnun þjóðgarðs í sjó eða skrá svæðið á heimsminjaskrá UNESCO.
- Snæfell vill að skoðaðar verði lífslíkur smáþorsks sem sleppt er á grunnsævi.
- Skalli leggur til að starfsaðferðir Hafrannsóknastofnunar um stofnstærðarmat nytjastofna verði teknar til skoðunar.

- Drangey lýsir yfir þungum áhyggjum vegna stöðu vistfræðilegra rannsókna á fiskistofnum við Ísland. Ljóst er að vísindalegar forsendur veiðiráðgjafar t.d. í þorski, grásleppu og fleiri tegundum hafa engan veginn staðist og skýringar Hafrannsóknastofnunar ótrúverðugar og án viðunandi rökstuðnings. Skorar félagið á nýtt Alþingi að beita sér sem fyrst fyrir því að úttekt verði gerð á stofnuninni af hlutlausum aðilum og stefna hennar tekin til gagngerrar endurskoðunar.
- Félag smábátaeigenda á Austurlandi lýsir yfir þungum áhyggjum af þróun sæbjúgnaveiða og vill að áhrif veiða á sæbjúgum á botndýr, botn og búsvæði fiska verði rannsakaðir hið fyrsta, telur fundurinn að áhrif veiðanna séu geysileg þar sem sífellt stærri og öflugri skip eru notuð til veiðanna. Sem dæmi er lágmarks þyngd sæbjúgnaplógs eitt tonn.

## Drónar

- Snæfell mótmælir drónaefirliti Fiskistofu, við teljum það brot á friðhelgi einkalífsins.
- Félag smábátaeigenda á Austurlandi krefst þess að drónaefirlit verði ekki leift nema með samþykki skipstjóra LS framleiði límmiða sem segir „Myndataka bönnuð án samþykkis skipstjóra“.

## Lögskráning og mönnunarmál

- Skalli mótmælir forminu á lögskráningarsíðu Samgöngustofu, þar sem krafist er tveggja réttindamanna ef veiðiferð varir lengur en 14 klukkustundir. Engin heimild í lögum er fyrir þessari takmörkun.
- Skalli leggur er til að heimilt verði að ráða skipstjóra til strandveiða (a.m.k. tímabundið) án þess að ákvæði um eigendaskyldu sé uppfyllt.
- Félag smábátaeigenda á Austurlandi hafnar túlkun samgöngustofu á nýjum mönnunarreglum á bátum 6-15 metrum sem kollvarpar rekstrarumhverfi smábáta með kröfu um 4 réttindamenn sé farið yfir 14 tíma útiveru.

## Landhelgi / heimamið

- Félag smábátaeigenda á Austurlandi leggur til að hugtakið heimamið verði viðurkennt við stjórn fiskveiða, slík svæði verði friðuð fyrir ágangi togara. Félagið bendir á frábæra reynslu við minnkun skápsins við Borgarfjörð Eystri.

- Reykjanes vill að lögfest verði landhelgi fyrir dagróðrabáta sem stunda veiðar með kyrrstæðum veiðarfærum.

## Bryggjuskattur

- Snæfell skorar á stjórnvöld að fella niður sérstakt gjald (svokallaðan bryggjuskatt) á virkjun veiðileyfa við strandveiðar
- Smábátafélag Reykjavíkur: Burt með 50.000 króna strandveiðigjaldið.
- Smábátafélag Reykjavíkur: LS skoði hvernig hafnir landsins hafi notað 50.000 króna strandveiðigjaldið.
- Félag smábátæigenda á Austurlandi fer þess á leit að sértækt strandveiðigjald "50 þúsund kr" verði lagt niður ellegar fært til aðildarfélaga LS.

## Ýmislegt

- Snæfell vill að skoðun gúmmibáta verði annað hvert ár.
- Skalli leggur að menn ávinni sér geymslurétt á kvóta með veiðireynslu.
- Krókur: Hvítlúðu sem meðafla verði heimilt að nýta, enda ekki um beina sókn að ræða.
- Krókur: Við krókaveiðar verði heimilt að sleppa lífvænlegum fiski undir 50 cm sem veiddur á grunnslóð. Ath. jafnframt verðlausan fisk (ufsi).
- Félag smábátæigenda á Austurlandi: Aðalfundur FSA skorar á stjórnvöld að styðja við áframhaldandi ábyrgar veiðar á hvölum.
- Kvótapak  
FSA krefst þess að kvótapak í krókaafلامarki og aflamarki verði virt. Þæe útgerðir og tengdir aðila sem eru yfir þaki fái ekki aðgang að 5,3% pottum
- Nám við trefjaplast smíði  
FSA óskar eftir að menntamálaráðuneyti klári námsskrá í trefjaplastsmíði svo hægt sé að útskirfa nemendur með löggild réttindi.
- Heimaviqtun / Endurviqtun  
FSA krefst þess að allur afli sé endanlega vigtaður á hafnarvog í löndunarhöfn

- Smábátafélag Reykjavíkur vill að reynt verði að bæta samskipti við Fiskistofu.
- Klettur fagnar hugmyndum um að hægt verði að sleppa lífvænlegum fiski undir 50 cm enda umræða um brottkast algerlega á villigötum og nauðsynlegt að afgangspaveiða þann gjörning að sleppa fiski sem varla er neinum greiði gerður með að koma með í land.